

Protocol no. 100
Sezzüda da lündeschdi, 23 mai 2011, 20.00 – 22.00

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Rico Zini (protocol)

Protocol

Il protocol no. 99 da la sezzüda dals 17 mai 2011 vain approvà.

864 021 FABRICA
Nadia e Cla Demonti – Renovaziun saiv – Plan da Crusch

Sün dumonda da la famiglia Demonti decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Taxa da trattamaint da fr. 50.--.

865 021 FABRICA
Claudia e Men Luppi – Tabla d'infuormaziun – Saranschasch

Sün dumonda da la famiglia Luppi decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Taxa da trattamaint da fr. 50.--.

866 021 FABRICA
Swissroof GmbH – Sbodamaint, chasas novas e ronovaziun – Avant Baselgia

Il Cussagl cumünal piglia incunter las orientaziuns dal schef da fabrica chi tunan seguaintamaing:

1. Pel Cussagl cumünal d'eira adüna cler cha l'edifizi nouv ha da gnir manà i'l sen d'ün hotel. E quai es eir gnü adüna uschè comunicà.
2. Sül la proposta da s-chaffir üna zona speciala per la Swissroof GmbH nun es entrada dal patrun da fabrica ingüna resposta.
3. Las premissas per dar ün permiss da fabrica nu sun avantman. I manca il dret da fabricar plü dastrusch e quel sül cunfin dal cumün.

Il Cussagl cumünal decida, causa surpassamaint da la distanza da cunfin, da refüsar la dumonda da fabrica.

867 021

FABRICA

Jon Linsel – Lavurs internas – Stalla Palüzot

Sar Jon fa la dumonda da far lavurs internas (isolaziun, renovaziun fanestras e plafuond) causa ch'el pudess dar a fit la stalla sco magazin. Cun quai chi's tratta d'ün müdamaint d'adöver nu po il Cussagl cumünal dar ün tal permiss. Üna pussibilità füss forsa da metter quel lö da la stalla in üna zona da mansteranza.

869 012

EXECUTIVA

Tschernas cumünalas 2012 - 2014

L'appell i'l Mas-chalch dals 23 marz 2011 da dar aint candidaturas nun ha fin hoz portà bler. Il Cussagl cumünal decida da comunicar chi mancan pel Cussagl personas chi füssan prontas da candidar pel prossem trienni. Tscherschà füss ün capo ed almain amo 2 commembers pel Cussagl cumünal. I'l prossem Mas-chalch segua üna comunicaziun in quist gener.

870 300.365

Contribuziuns e donaziuns

Perscrutaziuns archeologicas illa regiun da la chadaina dal Silvretta

L'Università da Turich dumonda per ün sustegn da fr. 1'500.-- per ün proget archeologic in Engiadina Bassa. Tanter oter eir in vista cha plü tard pudessa dar landeroura ün nüz turistic per la regiun, decida il Cussagl cumünal da cuntribuir l'import dumandà.

871 810.501.29

Sanaziuns vias da god

Surdatta da lavur per la via da god Sinestra

Davo avair tut cogniziun da la proposta da l'Uffizi da god chantunal decida il Cussagl cumünal da surdar las seguaintas lavurs:

1. Lavurs d'impressari e furniziun da material
Fabio Bau GmbH, Sent fr. 30'000.--
2. Lavurs d'impressari per stabilisaziun
Rotomag, Sargans fr. 69'912.-- e fr. 91'834.65

872 620.314.02

Mantegnimaint general da vias

Lavurs da catram – Plan da Muglins fin chasa da scoula

Il schef da vias orientescha chi gnia catramà la via Plan da Muglin fin pro la chasa da scoula. L'import es büdschetà.

873 2

SCOLAZIUN

Evaluaziun da la scoula da Sent

La schefa da sanità e scoula orientescha chi saja gnü evaluà dal Inspectorat da scoula la scoula cumünala. Mincha trais ons daja uschè ün'evaluaziun. Als 24 mai 2011 daja l'inscunter cul Inspectorat da scoula, magisters e Cussagl da scoula ingiò chi vegnan preschantats ils resultats. Perquai han il scolars quel davomezdi liber.

874 30

PROMOZIUN DA CULTURA

Archiv cultural Engiadina Bassa ACEB

La schefa da cultura orientescha sur da l'inauguraziun dal Archiv Cultural Engiadina Bassa ACEB. L'inauguraziun ha gnü lö als 20 mai 2011 illa chasa da scoula veglia Strada-Martina a S-chadatsch. L'ACEB es in tschercha dad ulteriurs commembers.

875 012

EXECUTIVA

Sairada d'orientaziun e discussiun a regard fusiuns da cumüns

Il capo orientescha cha la sairada d'orientaziun e discussiun cul tema fusiuns da cumüns haja lö als 20 gün 2011. Referents sun Georg Falett (grondcusglier e manader dal proget Fusiun in Val Müstair) ed Arno Lamprecht (capo dal Cumün Val Müstair).

L'actuar:

Rico Zini